



Xikochimani a lahleka

Hlekane Paulinah Baloyi

Brian Wambi





Xikochimani a ku vusiku sala endlwini!

A a ri un'wani wa varhangani exitichini xa mabazi na mathekisi.

Leri a ri ri riendzo ro sungula ra Xikochimani a ri swakwe.



A a ya endzela kokwani wa yena Galela
edorobeni.

Kutani wanuna un'wana a huwelela switikwana
leswi Xikochimani a swi tiva.


Wanuna a huwelela a ku, "Tanani se ra famba
bazi!"



Bazi a ri sungula ku tala, kutani Xikochimani a yimele leswaku ku vitaniwa thikithi ra yena.

Mufana un'wana a a sivile nyangwa wa bazi.

Kutani Xikochimani a sungula ku hela mbilu.



Xikochimani a a kume xitulu xa le fasitereni, a a tshame na tatana Rhulani na manana Madzivandlela, vona a ku ri nuna na nsati.

A ko viriviri ebazini.



A ku lo mpoti hi huwa ya swimawusi leswi a swi nghene swi landzelelana ebazini.

A a va xavisa, tinamuneti, miyombva, malekere, tinyama, ku hlaya ku xurha.



Madzivandlela a humesa mali emaveleni a xava mihandzu eka wanuna loyi a tele ntsako.

Kutani a veka buku ehansi a sungula ku ti phina.



Loko muchayeri wa bazi a nghena ebazini, u
xewetile vakhandziyi a tlhela a ku,
“Tshamisekani mi ti phina hi riendzo!”

Mzamani a encenyeta marito hinkwawo ya
muchayeri.




Ndlela ya ku ya edorobeni a yi lehile yi tlhela yi rhendzeleka.

Xikochimani a tsakise hi ku nava ka tiko, loko bazi ri hundza.



A ko viriviri ebazini na hambi loko dyambu ri perile. Vakhandziyi a va khudzehela va juluke na nyuku.


Rhulani a Khomelela xinkwamana hi mandla, a twa a khudzehela.



Xikochimani, Rhulani na Madzivandlela va etlerile hi xihatla.

Madzivandlela a ba mantonoro.

Va etlerile vurhongo bya matimba loko bazi ri ri karhi ri famba evusikwini.



Voko ri dzinginisa katla ra Xikochimani khwatsi.
A phaphama.

“Hi fikile a exitichini xo hetelela, kasi u ya kwihi?”
ku vutisa wanuna loyi a yimile endzaku ka
Xikochimani.



Xikochimani a chika ebazini.

A nga tivi munhu.

Kutani a vulavula a ri swakwe a ku, “Ndzi Xikochimani wa Rhulani wa Galela wa Xihimu, ndzi ta fika eka kokwani.”



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Xikochimani a lahleka

Author/s: Hlekane Paulinah Baloyi

Illustrator/s: Brian Wambi

Assurer/s: Hlongwani Hlongwani, Bongani Maluleke

Language: Xitsonga



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

